

## POZIV ZA MEDIJE VELIKI JUBILEJ JEDNE NVO 15 GODINA DEBATE U BOSNI I HERCEGOVINI

Izuzetna nam je čast pozvati vas, kao predstavnike medija, na proslavu 15. rođendana Centra za kulturu dijaloga, nevladine organizacije koja je postigla svoj osnovni cilj da BiH počne razgovarati, i da razlike počnemo slaviti. Rođendan slavimo 01.12.2012. (subota) u 18:30 sati u UNITIC centru. Dobro nam došli! A poziv upućujemo u ime, preko 25 000, učenika i profesora koji su bili i jesu dio CKD-a, i vjerujemo da ćete dati vaš medijski doprinos ovom, za jednu NVO, velikom uspjehu.

Prije 15 godina, u Sarajevu je nekolicina entuzijasta pokrenula Debatni program Bosne i Hercegovine. Debata je bila prijeko potrebna zemlji koja je nepune dvije godine prije početka debata aktivnosti ratovala. U zemlji, koja se još nije bila oporavila od ratnih razaranja, u kojoj je drugi i drugačiji bio neprijatelj, bilo je nezamislivo započeti komunikaciju između suprotstavljenih strana. A komunikacija je započeta zahvaljujući ljudima koji su iskreno, i bez rezerve vjerovali da je moguće uvjeriti ljude da razgovaraju, da poštuju mišljenje koje se razlikuje od njihovog i da formiraju stav o bilo kojoj temi na osnovu argumenata.

Godina 1997. je bila historijska godina za BiH, jer je tada započeta priča o ljudima koji sarađuju, a dolaze iz različitih entiteta, o ljudima koji razgovaraju, a imaju različite stavove, o ljudima koji se druže, a nedavno su ratovali. Priča je krenula iz Sarajeva, i nastavila se u Bijeljini, Bosanskoj Krupi, Brčkom, Brezi, Čeliću, Doboj Istoku, Donjem Vakufu, Goraždu, Gračanicima, Hadžićima, Ilijašu, Istočnom Sarajevu, Kladnju, Konjicu, Mostaru, Novom Gradu, Palama, Rogatici, Sanskom Mostu, Sapni, Srpcu, Srebreniku, Tešnju, Tuzli, Visokom, Vlasenici, Zenici, Živinicama i brojnim drugim gradovima širom Bosne i Hercegovine.

Godina za godinom su prolazile i nizali su se, kako uspjesi u BiH, tako i uspjesi na međunarodnoj debatnoj sceni. Prvo zlato u BiH, sa Svjetskog debata takmičenja, je došlo 1999. godine, i BiH je čak 4 puta za redom osvajala Svjetska debata zлата. BiH je dokazivala da u njoj žive sposobni mladi ljudi spremni da se suoče sa izazovima današnjice i poboljšaju budućnost ne samo za sebe već za cjelokupno bh. društvo.

Debatni program BiH od 2005. godine postaje Centar za kulturu dijaloga, prepoznatljiva nevladina organizacija koja je nastavila nizati uspjehe.

Jedan od najznačajnijih uspjeha bio je organizacija **Svjetskog debata takmičenja 2009. godine**. Te godine 300 ljudi iz cijelog svijeta je došlo u BiH i upoznali su zemlju koja više nije zemlja rata, oružja i neprijateljstva već zemlja u kojoj, premda postoje 3 predsjednika, sva tri daju podršku debatnim aktivnostima, u kojoj nekada neprijatelji sada bivaju prijatelji, i u kojoj su razlike prednost, a ne razlog za neprijateljstvo.

15 javnih debata na državnoj razini o politici, vjeronauci i maloljetničkom prestupništvu su znak raspoznavanja CKD-a.

Danas, 15 godina poslije prvog argumenta, poslije prve debate, poslije prvog zajedničkog susreta, Centar za kulturu dijaloga može reći da je Debatni program u BiH jedan od najuspješnijih u regionu i Evropi, i može se pohvaliti brojnim uspjesima.

Posebno je važna bila uloga medija koji su promocijom kulture dijaloga učestvovali u kreiranju otvorenog društva u BiH.

Kontakt: 061 269 587